


# MISEBO IBILI



## KUSAAKULA MUSEBO

Kine watona kuya ku nkendo kuusinaye kutula kuvyalue kobe, upalile kwipuzyanke musebo wa kuya mo. Musita uuliwalunduluka mu lwendo lobe upalile kuya wakenta koku ni koku. Kine musebo wakuzeeza, upalile kulenga kubwela kukeba musebo uwaanwanga kukonka.

Mwe bambwinzio ni fwefue benka mu bu-kose bwetu pano pa kyalo, tuli mu lwendo lwa kuya kulilikolo lyetu, koko kuli bukose bwa muyayaya. Koko kuli nkendo isiliyapua, ni isizi kwaluluka. Ati, kubako umanine kutulimukuya?

## KITABU KYA KUTULOMBOLA

Ozu Leza kupitila mu ntono yakue ni mu buwame bwakue, waatuppee mulombozi, ni ozu mulombozi i Biblia iliyatusambilizia nzila ya kututwala mwiulu. Biblia ilandile evi, “Keebo kobe i musaniko wa kusanikila

makasa ane lyonse lundinaya mu nzila.” (Malumbo 119:105).

## MUSEBO UKATA

Mu ozu musebo mulimwaenda bantu bengi sana. Mwe bamwinzio. “Ingilile ku mulyango wa kanfinenkezia, pantu nzila ya kuzeezyania itanine, ni mulyango wa kwingilila po utanine, kabili bantu balibaya mu ezio nzila bavulile.” (Mateo 7:13).

Mu lono lwendo lutuli mo bantu bengi bazibatikilue menso abo. Baba bantu te-bamantine nangue balimukwenda mu nzila ya kuzeezyania, kabili lyonse lubalibaenda mu nzila tebezi kulangakana ata kanini. Unvue, “Kuli nzila imwenekela yaweme ku menso a muntu, inzi mpeleezio ya ezi nzila ni kufua.” (Tuswalo ni Mafunde 14:12). Leza wa mu keno kyalo, Satana, abazibatikile menso. Baba bantu balibakaana kuzumina bakeeza kumona Mpunda lweme ya bu-

lumba bwakua Kristu. (2 Bakorinto 4:4).

### **BITWAMO**

Bantu balibaenda mu ozu musebo bakakulue na bibalo, kabili babalile. “Bantu bonse babalile, kabili bandilue kuya bali ni bulumba bubaalilue na Leza. (Baroma 3:23). Bibalo byonse bitulitwakita tetupalile kufiika po ata kimo ku menso akua Leza. “Muntu ali na menso a kumona kunze, inzi Leza wene aliwamona mu mutima wa muntu.” (1 Samweli 16:7). Baba bantu bali mu bibalo balibaenda bapeepe bitwamo ku musana. Unvue, fwe bantu tetuli na buvinde bwa kufumia kibalo ata kimo. Kukonkana ni nsiku viilimukuya yavula, bibalo ni byo i vibilimukuya byavulila ko. “Pantu kilambu kya bibalo ni lufu.” (Baroma 6:23).

### **KIMPENIMPENI**

Pa ezi sanamu, kimpenimpeni kiimaniine ko bupinguzi bwakua Leza. “Kubalua muntu lualiwafua limo, aliwapembela kupingulua na Leza.” (Baebrania 9:27). Mu kitabu kya Nfyulo Yoane alandile mo bintu biafyulilue na Mweo Muzuuke. “Kabili naamweene kitebe kikata kyasue kya Bukolo mwaikeelue. Kyalo ni muulu byaamubutukile, kabili tebyaamwene kwa kufyama. Kabili naamwene bafwile bakulu ni banike baimeene ku ntanzi ya kitebe kya Bukolo. Bitabu byavingulwilue, ni kinge kitabu kyavingulwilue, kitabu kilembelue mo meena a bakose. Bafwile baapingwilue kukonkana ni bikitua byabo nga vikyaali kyalembelue. Kabili lyezi lyafumiizie baafwiliile mo. Nfua ni Kumbo byaafumiizie baafwiliile mo. Ni baba bonse baapingwilue kukonkana ni bikitua byabo. Kabili nfua ni kumbo byaapoozelue mu kikuka kya mulilo. Keki kikuka kya mulilo i nfua ya bubili. Onse asyaali walembelue liina lyakue mu keki kitabu kya bukose, waapoozelue mu kikuka kya mulilo.” (Nfyulo 20:11,12,15).

### **MULILO**

Evi Leza viali mulunghami kabili wali mu-

zuuke, kibalo i kikyaaakandilua. Twebo twakua Leza tulandile nangue kuli ni kumbo, koko kwaakaya kukandua bantu basilibamunakila Leza. Biblia ilandile evi, “Babi bonse baakaya kumbo pamo ni ntundu iliyamulaba Leza.” (Malumbo 9:17). Teukaya sie kumbo pantu uli mubi, inzi kabili pantu umulabile Leza. Upalile kumana nangue Leza atutonene. “Inzi wene ateekele mutima pantu tatonene muntu ata umo kuti akazeeze, inzi atonene bonse balapile bibalo byabo.” (2 Petro 3:9). Kukonkana ni nkumbu yakue ikata pamo ni ntono iatutonene, **Leza waateaniizie nzila ya kupusukila mo bantu balibakeba kisinka.** Ati, kubako utonene kusanga nzila ya bukose?

### **NZILA YAKUYAKUBUKOSE – KULUBUKA**

Inzi pantu fwe fue tetuvinda kuilubula ni kufumia bibalo na maka etu, Leza i kiatupeelele Kalubula. “Pantu Leza waatoneesie bantu ba mu kyalo, i kiapeelele Mwana wakue lyonga, evi kubalua muntu wakumuketekela, tekuti azeze, inzi abe ni bukose bwa muyayaya.” (Yoane 3:16). Leza Situe wa mwiulu waamutumine mwana wakue, Mulopue Yesu Kristu, ozo waafumine Mwiulu ni kwiza pano pa kyalo, kwiza kwialula nga muntu. Inzi anzia kyaali evio, taabalile. Wene waali wakita sie biwemenkesie: Waali wakosia balwele, ni kuswesia bantu batiikeene na malwele a tembue, ni kukumba myela, ni kweleela bantu bibalo pamo ni kubasambilizia twebo twakua Leza.

Inzi kintu kikata kyaalukiile nga muntu ni pa mulandu wa Kwiza kutufwila fwe bekala kyalo. Yesu taali na bibalo, inzi waizile kwipeela mu kuzuumia mulopa wakue wa mutengo ukata pa mulandu wakuti atulubule mu kukandua pa mulandu wa bibalo byetu. Yesu waitabiizie kututwamina bubi bwetu, ni kuumua mpaka ni mulopa wamufuma mu musana. Kabili waavwikilue kisote kya myunga ni kukonkomenua

misumali mu minue ni ku makasa pa musalaba. Yesu waippee kutwama maavia etu. “Kristu mwine waatweme bibalo byetu mu mubili wakue pa musalaba.” (1 Petro 2:24). Kisinka waatufwiliile.

### **KUTUNTUMUKA KWAKUE**

Pa kyamba kya nsiku itatu wali mu kilibu, Yesu waatuntumukile. Waendele ni basambi bakue nsiku 40. Pa kyamba kya ezio nsiku, waile kwikala mwiulu ku kuboko kulio kwakua Leza, kabili ekeele lonse wali ni “buvinde bonse mwiulu ni pa kyalo.” (Mateo 28:18). “Ni pakako, lyonse i kiali-wapususiizia balia bantu balibamupalama Leza kupitila muli Yesu akosele muyayaya, evi aye wabalombela kuli Leza.” (Baebrania 7:25).

### **MWIULU**

Mwiulu i mwikeele Leza Kalenga wa maka onse. Mulopue Yesu waalandile evi, “Mu nghanda mwa Tawe muli bifuka bingi bya kwikala mo, kabenge tekuba mwali, nga nakimyanina mbela. Ndikuya kumiteaniizia kifuka. Kabili kine naya kumiteaniizia kifuka, naakabwela kumitwama evi mukabe pamo ni nene ponse panaakaba.” (Yoane 14:2-3).

Mwiulu muli kifuka kya kupapia sana. (Leza) “Waakabakuusa mensozi abo, kabili tekukaba lufu, tekukaba malilo ao kuloosia ao kwema. Bya kale byonse byakaloba.” “Tekukaba kabili busiku, kabili tekukakebua litala ao kisue kya koba pantu Mulopue Leza i waakanikila na kisue kyakue.” (Nfyulo 21:4; 22:5).

Ezi i nkendo izuuke. “Mwene temukengila kitiikeene ao muntu aliwakita bibiipile ni wa bufi. Mwaakengila sie balia balembelue meena abo mu kitabu kya bukose kyakua Mwana mukooko.” (Nfyulo 21:27).

Inzi kuli sie nzila imo ya kuila mo ku muulu. Mulopue Yesu waalandile evi, “**Nene**

**i nzila, nene i kiine, nene i bukose. Tekuli muntu wakuya kuli Tawe kine tapitiile muli nene.”** (Yoane 14:6). “Tekuli unge muntu aliwapususia, inga sie Yesu bunke pantu monse mwaya kyalo, Leza taatuppee mo linge liina Iya kuti tupusukile mo.” (Miilo ya Batumua 4:12).

### **KUTI TWASANGA SYANI NZILA YA KUYA MWIULU ?**

**1.** “Lapile bibalo byenu muzumine Mpunda lweme !” (Marko 1:15).

**2. Endo umutwalile Mulopue Yesu bibalo byobe ni kumulomba akwelele.** Unvua vialandile, “Ni aliwaiza kuli nene nsikamukumba.” (Yoane 6:37). “Mwe bonse batopele na kutwama bitwamo, ize nmyangule.” (Mateo 11:28).

**3. Kine wamuketekela Yesu Kristu ulikupusuka.** “Mulopa wakua Mwana wakue Yesu uliwatusamba bibalo byonse.” (1 Yoane 1:7).

**4. Yesu waakakupeela bukose bwa lenu ni bwa muyayaya.** Yesu waalandile evi, “Namyana kisinka nangue kine muntu wamuketekela Leza mukunvua keebo kane, ali ni bukose bwa muyayaya. Takapingulua, inzi afumine mu lufu, kabili tasyaingiile mu bukose.” (Yoane 5:24). “Muntu kine ali muli Kristu, waalulua kilengua kya lenu. Bya kale tebisypitile, ni byonse byaaluka bya lenu.” (2 Bakorinto 5:17).

**5. Wewe waakaba wali ni mutende pamo ni kisinka.** “Evi vitulunghamikilue na Leza kupitila mu kiketekelo, i kulanda nangue tupwene ni Leza kupitila muli Mulopue wetu Yesu Kristu, ni evi tuli ni mutende.” (Baroma 5:1). “Ni busininkizio bwine ni bobu: Leza waatuppee bukose bwa muyayaya, ni bobu bukose buli mu Mwana wakue. Onse ali ni Mwana, ali ni bobu bukose. Onse asili na Mwana wakua Leza, wene tali na bukose. Kintu

kilikyalengia kuti nmilembele evi, ni pakuti mumane nangue mwe bamuketeekele Mwana wakua Leza muli ni bukose bwa muyayaya.” (1 Yoane 5:11-13).

## **VIUPALILE KWIKALA MU BUKOSE BWA LENU**

**1. Upalile kuya wabelenga Biblia** kubalua busiku pantu i musaniko wa kutusanikila mu nzila yetu, ni kaka keebo i bilio bya bukose. “Be nga nkeke ivyelue lenu, lyonse be ni kyaka kya mabeele aweme a kimweo, evi lumwamina azo mabeele aye a mikuzia ni kumipususia” (1 Petro 2:2). Lyonse luuliwabelenga upalile kumulomba Leza akulombole ni kukusambilizia, ni Mweo Muzuuke aye wali pamo nobe.

**2. Upalile kumupalama Leza mu malombi awamulomba kubalua busiku.** Lombela mu Liina lyakua Yesu. “Tekusambookele kantu, inzi mulombe Leza kubalua kantu kamwatona kumulomba. Lyonse lumwamulomba, tekuba mwalaba kumusantila. Ni mutende wakua Leza upitile maano onse, waya wamisungile mitima ni maano enu muli Kristu Yesu.” (Bafilipi 4:6,7).

**3. Upalile kubasimikila bange palwakua Yesu.** “Bwelela ku lupua lobe, uye ubawile byonse byakukitilanga Mulopue ni viakunvwilanga nkumbu.” (Marko 5:19).

**4. Lyonse luuliwaeziwa upalile kumulilila Mulopue.** “Ni evi vyenka, aliwakwasia bonse balibaeziwa pantu ni wene wenka waeziiziwe ni kwemiwa.” (Baebrania 2:18).

**5. Kine waponena mu bibalo upalile kulenga kulapila bibalo byobe kuli Leza.** “Inzi kine twalapila bibalo byetu ntanzi yakua Leza, wene ni wa kisinka, kabili mulunghami, kuti watweleela bibalo ni kutusamba bubi bwetu bonse.” (1 Yoane 1:9).

**6. Upalile kwampana na bantu bamuketekele Mulopue Yesu Kristu.** “Ozu i mulao wane, tonane nga vinmitonene.” (Yoane 15:12).

**7. Upalile kumunakila Leza musita onse.** “Kine muntu wantona, alikunakila keebo kane. Tawe alikumutona, kabili ni fwefue tulikwiza kwikala muli wene.” (Yoane 14:23).

**8. Teupalile kutiina kantu pantu Kristu ali pamo nobe.** “Pantu Leza waalandile, Nsikakusia, kabili nsikakulekelela.” (Baebrania 13:5).

**9. Upalile kwikeefia kuli Mulopue** pakuti akulombole mu bukose bobo muatoneene. Kine wakita evio, waakaba ni nsansa ikata sana. Mulopue Yesu Kristu i Kalubula obe wa kisinka ni apwililikile. Ozu i wakuti uye wali nakue lyonse !

---

Nous vous invitons à nous contacter pour faire des arrangements concernant de nouvelles traductions de notre littérature nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à :

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. BOX 2191, PRETORIA, 0001, R.S.A.**

(Une Mission de Littérature évangélique financée de dons)

(Reg. No. 1961/001798/08)